



Simigaq Heilmann
Inatsisartuni ilaasortaq, Demokraatit

Ilinniartinnut qinnuteqaateqarnermi § 37 naapertorlugu apeqquteqaatinut kuisinnermut allagartamut tunngatillugu nr. 32/2020-mut akissutit

04-03-2020
Sagsnr.
Dok. nr. 10941081

Asasara Simigaq Heilmann,

Postboks 1029
3900 Nuuk
Tlf: +299 34 50 00
Email: ikin@nanoq.gl
www.nanoq.gl

Qujanaq apeqqtinnut Inatsisartut suleriaasiat naapertorlugu saqqummiussannut. Taakkua uani ataani akissuteqarfigaakka.

Apeqqut 1: Naalakkersuisut ilisimatitsissutigisinnaanerlugu soq ilinniakkamut qinnuteqassatilluni kuisinnermut allagartaq kisimi kinaassutsimut uppersaatit atorneqartarnersoq?

Akissut: Aallarniutigalugu nalunaarutigineqassaaq kuisinnermut allagartaq nunatsinni ilinniakkanut isersinnaanermut aalajangiisutut piumasqaataanngimmat. Kuisinnermut allagartat atorneqartarnerat siusinnerusukkut uppersaatit ilaattut inunnut tunngasumik paasissutissanut assigiinngitsunut tunngatillugu qinnuteqarnermut atatillugu ilaasarsimavoq, tamatumani ilinniakkami tiguneqarsinnaanermut ilinniagaqarnerisuteqarnissamullu. Tamanna paasineqassaaq assersuutigalugu kuisinnermut allagartaq paasissutissanik imaqartarmat qinnuteqartup atianik inuiaassusianillu. Kiisalu ilinniagaqartup meeraanut atatillugu kuisinnermut allagartaq uppersaasarpoq meeraq pineqartoq ilinniagaqartup meerarigaa. Tamannalu pingaaruteqarpoq ilinniagaqartup ilinniagaqarnerisutitut atatillugu meeqqamut tapinik pisinnaaneranut.

Inunnulli tunngasumik paasissutissat assigiinngitsut ineriartortinneqarnerisa kingunerisaanik pissutsit maanna imaalerput kuisinnermut allagartaq ilinniakkanut atatillugu qinnuteqarnermi pisariaqartunut paasissutissanut ilaajunnaarsimasoq. Paasissutissat pisariaqartut maanna allatigut uppersaaserneqarsinnaalersimapput, ilaatigullu tamanna pisinnaalluni Inunnut tunngasunik paasissutissanik Qitiusumik nalunaarsuiffimmiit anillatitsinikkut. Kiisalu aamma paasissutissat ilaat uppersarneqarsinnaapput assersuutigalugu pas imaluunniit bilersinnaanermut allagartaq - kørekort – atorlugit, apeqqummut tunngavilersuummi eqqaaneqartutut.

Taamaattumik ullumikkut periarfissaavoq kinaassutsimut uppersaatinik allanik atuisinnaaneq.

Apequt 2: Naalackersuisut pilersaaruteqarnerlutik ilinniakkamut qinnuteqarnermi kinaassutsimut uppersaaitit allat atorpeqarsinnaalernissaannut, soorlu PAS aammalu Biilernermit allagartaq?

Akissut: Soorlu apeqummut siullermit atatillugu akissummi oqaatigineqartoq periarfissaavoq kinaassutsimut uppersaaitinik allanik atuisinnaaneq.

Inussiarnersumik inuulluaqqusillunga


Ane Lone Bagger